

08 NOIEMBRIE
RUGACIUNEA 4
SOBORULUI
TUTUROR PUTERILOR CERESTI

Молитва

Святой Архангеле Божий Михаиле, отжени от мене молниеносным мечем твоим духа лукаваго, унылаго, искушающаго мя.

Святой Архангеле Божий Гаврииле, радость неизреченную с Небесе Пречистей Деве принесший, исполни радостию и веселием сердце мое, гордостью преогорченное.

Святой великий Архистратиже Божий Рафаиле, приемый дар от Бога целити недуги, исцели неисцеленныя язвы моего сердца и многия болезни моего тела.

Святой Архангеле Божий Урииле, светом Божественным озаряемый и преизобильно исполненный огня и пламенной горячей любви, опусти искру огня сего пламеннаго в сердце мое хладное, и душу мою темную светом твоим озари.

Святой Архангеле Божий Селафииле, даяй молитву молящемуся, научи мя молиться

смиренно, сокрушенно, сосредоточенно и умиленно.

Святой Архангеле Божий Иегудииле, присный споспешниче и заступниче всех подвижающихся на пути Христовом, пробуди мя от тяжкаго сна греховной лени, и подвигом добрым подвизатися вразуми и укрепи мя.

Святой Архангеле Божий Варахииле, предстоящий Престолу Божию и от Престола приносящий благословение в дома рабов Божиих, испроси у Господа Бога милосердие и благословение, да благословит Господь от Сиона и от горы святая Своя, и умножит изобилие плодов земных, и подаст нам здравие и спасение, на врагов победу и одоление, и сохранит нас на многия лета, и сподобит нас со всеми Небесными Силами поклоняться Отцу и Сыну, и Святому Духи во веки веков. Аминь.